



# AKTUELNOSTI

## Ambasador SAD-a Nj.E. *Michael J. Murphy* posjetio Tužilaštvo Iskazana podrška institucijama u procesuiranju korupcije



*Nj. E. Michael J. Murphy*, ambasador Sjedinjenih Američkih Država u Bosni i Hercegovini, posjetio je juče, 17. novembra 2022. g, Tužilaštvo Brčko distrikta Bosne i Hercegovine.

U okviru posjete institucijama nadležnim za suzbijanje i procesuiranje korupcije, *Nj. E. Michael Murphy* sastao se s glavnim tužiocem Tužilaštva Zekerijom Mujkanovićem, direktorom Ureda za prevenciju korupcije i koordinaciju aktivnosti na suzbijanju korupcije Brčko distrikta BiH Žarkom Ćosićem i predsjednicom Komisije za odlučivanje o sukobu interesa Admirom Mujić. Na sastanku održanom u prostorijama Tužilaštva razgovaralo se o modalitetima unapređenja međuinstitucionalne saradnje na suzbijanju korupcije u distriktu Brčko.

Glavni tužilac Mujkanović ponovo je istakao potpunu posvećenost Tužilaštva Distrikta borbi protiv korupcije, kao jednom od glavnih institucionalnih ciljeva, izrazivši zahvalnost ambasadi SAD-a u BiH na dugogodišnjoj podršci na planu procesuiranja i odlučnog suzbijanja korupcije.

**Tužilaštvo Brčko distrikta Bosne i Hercegovine, 18.11.2022. godine**

**web/fb uredništvo**